

**COV LUS QHIA UA DAIM FOOS QHIA PAUB TXOG KEV UA HAUJ LWM RAU TUS KHEEJ:  
LAG LUAM LIAJ TEB  
SELF-EMPLOYMENT INCOME REPORT: FARM BUSINESS INSTRUCTIONS**

Cov nyiaj khwv tau los uas koj muab qhia rau hauv daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb (Self-Employment Income Report: Farm Business) (F-00219) yog muab siv los mus xyuas seb koj puas muaj raws li cov cai tswj hais txog cov nyiaj tau los rau cov kev pab cuam xws li BadgerCare Plus, FoodShare, los yog Medicaid for the Elderly, Blind, or Disabled. Cov lus uas koj muab tso rau hauv daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb tsuas muab siv los mus saib seb koj puas muaj raws li cov cai hais txog cov nyiaj tau los rau cov kev pab cuam no **nkaus xwb**.

Daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb tsis yog siv los mus qhia txog koj cov nyiaj tau los ntawm koj txoj hauj lwm ua rau tus kheej. Koj tuaj yeem qhia koj cov nyiaj tau los ntawm koj txoj hauj lwm ua rau tus kheej, xws li koj siv koj cov ntaub ntawv ua se rov qab los sis cov ntaub ntawv teev tseg txog kev siv nyiaj txiag. Yog koj tsis qhia paub txog koj cov nyiaj tau los ntawm txoj hauj lwm koj ua rau tus kheej no, koj yuav tsis tau koj cov kev pab.

**COV LUS QHIA**

Ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb (Self-Employment Income Report: Farm Business) raws li koj muaj cuab kav ua tau zoo tshaj plaws. Qee cov ntaub ntawv uas twb sau ua ntej lawm. Yog cov ntaub ntawv no twb raug ua ua ntej lawm, ua tib zoo rov qab saib xyuas dua thiab yog yuav tau hloov ces muab hloov rau.

Cov lus uas koj muab ntawd nyob ntawm seb koj qhib koj qhov lag luam los tau ntev npaum cas lawm los yog thaum twg koj qhov lag luam muaj kev pauv tseem ceeb (piv txwv li, koj muaj ib tus mob es cia li ua rau koj qhov lag luam tsis tuaj yeem khiav lawm yog tsis muaj koj):

- Yog koj qhov lag luag qheb los tau peb lub hlis los yog tau muaj ib qho kev pauv tseem ceeb peb lub hlis dhau los, ces tsuas qhia cov nyiaj tau los thiab cov kev siv nyiaj hauv peb lub hlis ntawd xwb.
- Yog koj qhov lag luag tau qheb tsawg tshaj peb lub hlis los yog tau muaj ib qho kev pauv tseem ceeb tsawg tshaj peb lub hlis, ces tsuas qhia cov nyiaj tau los thiab cov kev siv nyiaj hauv lub (cov) hlis uas koj qhov lag luag qheb ua hauj lwm los yog tau muaj qhov kev pauv. Ces koj yuav tau **khwv yees** seb koj cov nyiaj tau los thiab cov kev siv hauv sij hawm peb lub hlis uas tseem tshuaj ntawd yog pes tsawg.
- Yog koj qhov lag luag qheb los tau ntau tshaj peb lub hlis los yog tau muaj ib qho kev pauv tseem ceeb ntau tshaj peb lub hlis dhau los, ces koj yuav tau qhia rau peb rau txhua lub hlis ntawm cov hlis uas koj qhov lag luam qheb los yog tau muaj kev pauv. Tej zaum koj yuav tau muab cov ntaub ntawv hauv 12 lub hlis qhia. Koj hu tau rau lub chaw khiav hauj lwm rau koj yog koj xav tau ib daim luam ntawm daim foos ntxiv.

Koj tseem hu tau rau lub chaw khiav hauj lwm rau koj yog koj xav tau kev pab ua kom tiav daim foos no. Tus xov tooj uas koj hu tau lub chaw khiav hauj lwm muaj nyob ntawm tsab ntawv uas koj tau txais es hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb thiab muaj nyob rau ntawm Department of Health Services lub website ntawm [www.dhs.wisconsin.gov/forwardhealth/imagency/index.htm](http://www.dhs.wisconsin.gov/forwardhealth/imagency/index.htm).

Nws muaj ib txoj kev ntawm cov hau kev nram qab no rau koj xa koj daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb:

- **Twj siv hauv xov tooj ntawm tes:** Siv qhov MyACCESS qhov twj siv hauv xov tooj ntawm tes yees ib daim duab thiab muab txhua nplooj ntawv ntawm cov koj cov ntaub ntawv xa mus.
- **Online:** Luam thiab suam (scan) tas nrho txhua phab ntawv ntawm daim foos mus rau ACCESS. Koj ua tau qhov no nyob hauv koj tus as-khauj hauv ACCESS, uas yog nkag mus rau hauv [access.wi.gov](http://access.wi.gov). **Nco cia:** Yog koj tsis muaj ib tus as-khauj hauv ACCESS, koj mus tau rau hauv [access.wi.gov](http://access.wi.gov) thiab ua kom tau ib tus rau koj.
- **Fax:** Fax tas nrho txhua phab ntawv ntawm daim foos mus rau ib tus ntawm cov naj npawb nram qab no:
  - 1-855-293-1822 yog koj **tsis** nyob hauv Milwaukee County
  - 1-888-409-1979 yog koj nyob hauv Milwaukee County

- **Xa Ntawv Mus (Mail):** Xa daim foos mus rau qhov chaw nyob uas muab teev rau ntawm daim ntawv (Document Tracking Sheet) uas muab tuaj ua ke nrog tsab ntawv koj tau txais uas hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb.
- **Tus Kheej Nqa Mus (In Person):** Nqa daim foos mus rau lub chaw ua hauj lwm qhov chaw nyob uas muab teev rau ntawm daim ntawv (Document Tracking Sheet) uas muab tuaj ua ke nrog tsab ntawv koj tau txais uas hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb.

Ncov ntsoov xa daim ntawv (Document Tracking Sheet) uas muab tuaj ua ke nrog tsab ntawv koj tau txais uas hais kom koj ua kom tiav daim foos Qhia Paub Txog Kev Ua Hauj Lwm Rau Tus Kheej Cov Nyiaj Khwv Tau Los: Lag Luam Liaj Teb. Qhov no yuav pab lub chaw ua hauj lwm lis tau koj cov ntaub ntawv kom sai li sai tau.

### **NQE LUS 1 – QHIA PAUB TXOG TUS KHEEJ**

Sau koj lub npe, thiab tus case naj npawb. **Nco cia:** Koj tus case naj npawb yog rau ces kaum saum toj kawg sab xis ntawm cov ntawv uas koj tau txais tuaj ntawm Xeev Wisconsin hais txog cov kev pab koj tau txais.

### **NQE LUS 2 – QHIA PAUB TXOG QHOV LAG LUAM**

Sau koj qhov lag luam lub npe thiab chaw nyob. Thiab sau seb yog hom lag luam dab tsi uas koj yog tus tswv, koj qhov lag luam pib thaum twg, thiab tsawg feem pua ntawm qhov lag luam yog koj ntiag tug. Yog koj qhov lag luam muaj ib qho kev pauv tseem ceeb, sau lub hli thiab lub xyoo uas muaj qhov kev pauv ntawd. Tej zaum koj twb qhia lub hli thiab xyoo ntawm qhov pauv hloov no rau lub chaw ua hauj lwm lawm. Yog koj twb qhia lawm, sau lub hli thiab xyoo uas koj thiab lub chaw ua hauj lwm pom zoo.

### **NQE LUS 3 – KOS NPE THIAB SAU HNUB**

Saib cov ntaub ntawv uas koj muab sau ntawd kom nws raug zoo thiab dhau ntawd mam kos npe rau thiab sau hnub rau.

### **NQE LUS 4 – QHOV LAG LUAM COV NYIAJ TAU LOS THIAB COV KEV SIV NYIAJ**

Sau cov nyiaj tau los thiab cov kev siv **rau tas nrho qhov lag luam**. Lub chaw ua hauj lwm mam li xam koj feem xyuam ntawm cov nyiaj khwv tau los thiab cov kev siv nyiaj raws li qhov koj ua tus tswv rau qhov lag luam seb yog pes tsawg.

#### **Lub hlis qhib lag luam**

Sau cov npe ntawm cov hlis uas koj muab cov lus qhia paub.

#### **Xyoo ua haujlwm**

Sau lub xyoo uas koj muab cov ntaub ntawv qhia.

### **Cov xuaj moos uas tus kheej ua hauj lwm rau qhov lag luam thaum lub hlis qheb qhov lag luam**

Rau txhua lub hlis, sau cov xuaj moos uas koj tau ua hauj lwm rau koj qhov lag luam lub hlis ntawd.

#### **A. QHOV LAG LUAM COV NYIAJ TAU LOS TAS NRHO**

##### **1. Cov nyiaj tau txais tas nrho thiab/los yog cov nyiaj tau los ntawm muag tej khoom**

Sau cov nyiaj tau los tas nrho uas koj qhov lag luam tau txais txhua hlis. Qhov nyiaj no **tsis** xam cov nyiaj txiav tawm (deductions) thiab cov nyiaj siv (expenses). Ib cov piv txwv ntawm cov nyiaj tau txais thiab nyiaj muag khoom yog nyiaj tau los ntawm muag tsiaj txhu, nyiaj muag qoob loo, muag av chiv, thiab cov nyiaj tuav pov hwm qoob loo.

##### **2. Lwm yam nyiaj tau los – qhia kom meej**

Yog koj qhov lag luam tau txais lwm yam uas koj tsis tau muab tso rau ntawm Cov nyiaj tau txais tas nrho thiab/los yog cov nyiaj tau los ntawm muag khoom (Gross receipts and/or sales) (xws li nyiaj koj tau txais li yog ib tus khub koom ua lag luam, cov nyiaj paj, thiab cov nyiaj nqis peev), sau qhov nyiaj tas nrho uas koj tau txais rau qhov ntawd txhua hlis. Qhia rau peb paub me ntsis txog qhov nyiaj no.

#### **B. QHOV LAG LUAM COV KEV SIV NYIAJ TAS NRHO**

##### **1. Kho mob rau tsiaj, tshuaj, thiab tsiaj txhu kev xya me nyuam**

Sau cov nyiaj tas nrho uas koj qhov lag luam them rau cov kev kho mob rau tsiaj, tshuaj kho tsiaj txhu, thiab tsiaj txhu kev xya me nyuam txhua hlis.

**2. Chiv, tshuaj lime, thiab tshuaj khes mis**

Sau cov nyiaj tas nrho uas koj qhov lag luam siv mus yuav chiv, tshuaj lime, thiab tshuaj khes mis txhua hlis.

**3. Zaub pub tsiaj, noob qoob noob tsa, thiab xyoob ntoo**

Sau cov nyiaj tas nrho uas koj qhov lag luam siv rau cov zaub pub tsiaj txhu, noob qoob noob tsa, thiab xyoob ntoo txhua xyoos.

**4. Kev cia khoom thiab tsev rau khoom**

Sau cov nyiaj tas nrho uas koj qhov lag luam them rau cia khoom thiab tsev rau khoom txhua hlis. Ib qhov piv txwv yog nqi them chaw muab tus ntaiv fais fab nqa noob pob kws cia. Muab cov nyiaj uas them rau xauj chaw los yog tsev rau khoom tso rau ntawm Kab 13 Xauj tsev, txhob muab tso rau ntawm no.

**5. Nyiaj them yuav tsiaj txhu cia tau muag**

Sau tas nrho tus nqi uas koj lub lag luam siv nyiaj txhua hlis los yuav cov tsiaj txhu uas koj npaj siab yuav rov muab muag dua.

**6. Roj, roj tsheb, roj av**

Sau cov nyiaj tas nrho uas koj qhov lag luam them rau roj, roj tsheb, thiab roj av siv rau tej cuab yeej, xws li tsheb txhua hlis. Muab cov nyiaj uas koj qhov lag luam them rau cov tsheb khiav hauj lwm lag luam, xws li cov tsheb trucks thiab semis, tso rau ntawm kab lus 12 Tsheb, txhob muab tso rau ntawm no.

**7. Kev txuag kom tau siv mus ntev**

Sau cov nyiaj tas nrho uas koj qhov lag luam siv kho tej av thiab dej kom tau siv mus ntev. Ib cov piv txwv rau cov kev siv nyiaj rau txoj hauj lwm no yog txhub kom av tiaj, cog xyoob ntoo tiv thaiv cua ntsawj, thob kwj deg thiab puab ntswg av.

**8. Nqi tshuab (tshuab ua hauj lwm) thiab ntiav neeg tuaj ua hauj lwm rau yus**

Sau cov nyiaj tas nrho uas koj qhov lag luam them rau cov nqi tshuab los yog them rau cov neeg tuaj ua hauj lwm, xws li cov neeg ua hauj lwm raws caji nyoog thiab hloov chaw mus los.

**9. Nqi zog thiab nyiaj commission them rau cov neeg ua hauj lwm**

Sau cov nyiaj tas nrho ntawm cov nqi zog thiab cov nyiaj commission uas them rau cov neeg ua hauj lwm txhua hlis. Qhov nyiaj no muaj cov nyiaj pub bonus thiab cov nyiaj them rau cov khub koom lag luam (cov nyiaj uas yuav tsum them rau cov khub koom lag luam tab txawm koj qhov lag luag ua tsis tau nyiaj). **Tsis** txhob muab cov nyiaj nqi zog los yog nyiaj commission uas them rau koj tso rau ntawm no.

**10. Tus neeg ua hauj lwm cov phaj tshab (benefit), nyiaj laus (pensions), nyiaj paj pub rau cov neeg ua hauj lwm (profit sharing)**

Sau cov nyiaj tas nrho uas koj qhov lag luam them rau cov neeg ua hauj lwm cov phaj tshab (benefit), cov nyiaj laus (pensions), thiab cov nyiaj paj pub rau cov neeg ua hauj lwm txhua hlis. Ib cov piv txwv ntawm cov neeg ua hauj lwm cov phaj tshab yog ntawv tuav pov hwm kho mob (health insurance), nyiaj them raug mob ntawm hauj lwm, thiab nyiaj poob hauj lwm.

**11. Kev tawm mus ncig**

Sau cov nyiaj tas nrho uas koj qhov lag luam siv rau cov kev tawm mus ncig ntsig txog qhov lag luam txhua hlis. Ib cov piv txwv yog pib dav hlau, them tsheb xauj, them chaw nres tsheb, nqi noj haus, thiab nqi chaw pw rau tej rooj sib tham thiab koob tsheej rau qhov lag luam. Cov kev siv nyiaj rau qhov tawm mus ncig ntsig txog qhov lag luam **tsis** muaj cov nyiaj siv rau kev tawm mus los thaum mus ua hauj lwm los yog tus kheej kev tawm mus ncig.

**12. Tsheb**

Yog koj qhov lag luam muaj ib lub tsheb los yog koj siv tus kheej lub tsheb rau koj qhov lag luam, sau qhov nyiaj tas nrho uas koj siv rau tsheb txhua hlis. Ib cov piv txwv muaj xws li mileage, ntawv tuav pov hwm tsheb, roj, thiab nqi them kho tsheb. Cov kev siv nyiaj rau tsheb **tsis** xam cov kev siv nyiaj tsav tsheb mus los ntawm txoj hauj lwm. Yog koj siv koj lub tsheb rau tus kheej thiab rau qhov lag luam tib si, tsuas sau qhov nyiaj uas siv rau qhov lag luam xwb.

**13. Xauj tsev**

Sau cov nyiaj tas nrho uas koj qhov lag luam siv rau xauj tsev, av, tshuab, cuab yeej, tsiaj, los yog lwm yam txhua hlis.

**14. Kho vaj kho tsev thiab tu tej cuab yeej siv**

Sau cov nyiaj tas nrho uas koj qhov lag luam siv kho thiab tu tej khoom ntiag tug (xws li cov tsev ua liaj teb) thiab cov cuab yeej siv (xws li cov tshuab ua liaj ua teb) txhua hlis. **Tsis** txhob sau cov nyiaj kho tsheb uas koj twb sau rau hauv kab lus 12 Tsheb lawm.

**15. Xov tooj thiab hluav taws**

Sau cov nyiaj tas nrho uas koj qhov lag luam siv them xov tooj thiab hluav taws (xws li roj thiab fais fab) txhua hlis. Yog koj siv koj lub tsev ua lag luam, tsuas sau cov nyiaj uas siv rau qhov lag luam rau ntawm no xwb.

**16. Ntaub ntawv thiab khoom siv**

Sau cov nyiaj tas nrho uas koj qhov lag luag **tau siv** yuav ntaub ntawv thiab khoom siv txhua hlis. Ib cov piv txwv muaj xws li computer, ntawv siv, kua cwj mem, thawv ntawv, ris tsho, khoom tawv xws li xuab zeb thiab pob zeb, txiag ntoo, cov piv txwv (samples), thiab lub tuam txhab cov cim khoom lag luam (company-branded items).

**17. Thauj khoom**

Sau cov nyiaj tas nrho uas koj qhov lag luag siv rau kev thauj khoom txhua hlis. Qhov no muaj xws li cov kev siv nyiaj xa thiab thauj tej khoom uas koj tsis tau muab tso rau kab lus 12 Tsheb thiab kab lus 16 Ntaub ntawv thiab khoom siv. Ib cov piv txwv rau cov kev siv nyiaj no yog qhwv khoom, tum khoom, xa khoom, thiab ntim thiab thau khoom.

**18. Nqi them rau kws lij choj thiab cov kws ua hauj lwm tshaj lij**

Sau cov nyiaj tas nrho uas koj qhov lag luag siv rau cov nqi them rau kws lij choj thiab cov kws ua hauj lwm tshaj lij txhua hlis. Ib cov piv txwv muaj xws li cov nyiaj them rau cov ntawm pub ua lag luam (permits); ntawv pov thawj (certifications); los yog lub zos, xeev, teb chaws cov ntawv tso cai (licenses). Ib cov piv txwv ntawm cov nqi them rau cov kws ua hauj lwm tshaj lij muaj xws li cov tuav nyiaj txiag (accountants), kws lij choj, thiab cov muab tswv yim rau fab nyiaj txiag.

**19. Kev tawm xov xwm qhia qhov lag luam, nyiaj them raws sij hawm, thiab ntawv tseb**

Sau cov nyiaj tas nrho uas koj qhov lag luam them rau kev tawm xov xwm qhia qhov lag luam (advertising), nyiaj them raws sij hawm (dues), thiab ntawv tseb (publications) txhua hlis. Ib cov piv tawv tawm xov xwm qhia txog qhov lag luam muaj xws li cov xov xwm qhia nyob ntawm cov webpages, social media, ntawv dai tom tej kev (billboards), ntawv xov xwm, phau ntawv xov tooj, thiab xa ntawv tawm. Ib cov piv tawv ntawm cov nyiaj yuav tau them raws sij hawm muaj xws li nqi them ua tswv cuab rau hauv cov koom txoos tshaj lij, cov koom haum ua lag luam, thiab cov thawj tswj hwm kev muag vaj muag tsev. Ib cov piv txwv ntawm cov ntawv tseb muaj xws li cov nyiaj siv yuav ntawv xov xwm thiab cov ntawv nyeem txog kev ua lag luam.

**20. Se (tsis xam cov ntaub ntawv ua se rov qab)**

Sau cov nyiaj tas nrho uas koj qhov lag luam them rau se txhuas hlis. Ib cov piv txwv ntawm qhov lag luam cov se yog cov nyiaj them rau se vaj tse uas ua rau koj khwv tau nyiaj los thiab lub xeev thiab lub zos cov se uas koj them li yog ib tus neeg muag khoom. **Tsis** txhob tso cov se ua rov qab (income taxes) rau ntawm no.

**21. Kev tuav pov hwm (insurance)**

Sau cov nyiaj tas nrho uas koj qhov lag luam them rau kev tuav pov hwm qhov lag luam txhua hlis. Ib cov piv txwv yog cov nyiaj them rau kev tuav pov hwm lub tsev los yog qhov chaw ua lag luam, tuav pov hwm cov cuab yeej siv, thiab tuav pov hwm qoob loo tsiaj txhu (crops). **Tsis** txhob sau cov nyiaj them rau tuav pov hwm kho mob, tuav pov hwm raug mob ntawm hauj lwm, thiab tuav pov hwm thaum poob hauj lwm uas koj twb tso rau ntawm kab lus 10 Tus neeg ua hauj lwm cov phaj tshab (benefit), nyiaj laus (pensions), nyiaj paj pub rau cov neeg ua hauj lwm (profit sharing).

**22. Yuav cov nyiaj khwv tau los ntawm cov nqi vaj tse, cov nqi khoom hauv vaj tsev, cov khoom siv, thiab cov khoom siv kav ntev**

Yog koj qhov lag luag tau yuav cov vaj tse los yog av uas khwv tau nyiaj los, cov khoom muaj nqi (capital assets), cov cuab yeej siv (capital equipment), thiab/los yog cov khoom siv mus ntev (cov khoom uas tsis muab siv tam sid thiab nyob nyob mam yuav) sij hawm ib hlis ntawm cov hlis, sau qhia qhov nyiaj tas nrho uas koj tau them. Ces qhov nyiaj ntawd rau. Ib cov piv txwv ntawm cov no yog cov vaj tse, cov tshuab uas muab siv los tsim cov khoom, cov tuam tsev xws li cov tsev (kennels) uas muab siv rau koj qhov lag luam, , ib lub tsev uas koj muab xauj rau lwm tus, thiab cov khoom uas koj muab siv los mus ceev koj qhov lag luam xws li cov khoom ua si menyuum yaus, cov khoom siv hauv tsev mov, thiab cov rooj tog zaum. Txhob sau cov khoom uas koj twb muab tso rau lwm kab lus lawm rau ntawm no.

**23. Kev them cov nqi nqis peev rau cov nyiaj khwv tau los ntawm cov nqi vaj tse, cov nqi khoom hauv vaj tsev, cov khoom siv, thiab cov khoom siv kav ntev**

Yog koj qhov lag luam raug them nqi rau qhov nyiaj qiv txais uas koj tau siv yuav cov nyiaj khwv tau los ntawm cov nqi vaj tse, cov nqi khoom hauv vaj tsev, cov khoom siv, thiab cov khoom siv kav ntev (cov khoom siv uas tsis siv kias tam sim ntawd thiab tsis nquag yuav), sau cov nqi nqis peev uas koj yuav tau them txhua lub hlis rau ntawm cov nqi qiv txais. Tsis txhob muab yam uas koj twb muab sau rau lwm kab sau ntxiv rau lawm.

**24. Kev poob nqi**

Sau cov nyiaj poob tas nrho ntawm koj cov khoom ntiag tug, xws li rooj tog khoom vaj khoom tsev, thiab cuab yeej siv, thiab yam khoom siv rau txhua hlis.

**25. Cov khoom uas tus nqi tag lawm**

Sau tag nrho cov nqi raug poob ntawm koj qhov lag luam uas vim los ntawm kev puas tsuaj hauv txhua lub hlis.

**26. Kev them nuj nqi kom tas mus ib lub sij hawm ntev**

Sau cov nyiaj poob tas nrho ntawm koj cov khoom ntiag tug, xws li cov cim lag luam (trademarks), patents, los yog copyrights, rau txhua hlis.

**27-29. Lwm cov kev siv – qhia kom meej**

Yog koj muaj lwm cov kev siv nyiaj uas koj tsis tau muab tso rau lwm qhov, sau qhov nyiaj tas nrho txhua hlis rau ntawm no. Thiab, piav me ntsis seb qhov siv nyiaj ntawd yog them rau dab tsi. Ib cov pivtxwv uas koj muab tso tau rau ntawm no yog nqi them rau tuam txhab tso nyiaj, tsiaj txhu kev xya me nyuam ntxiv, xyoob ntoo, los yog tas nrho cov nyiaj (interest) uas them txhua hlis rau cov nyiaj txais yuav cov khoom vaj tse los yog av uas khwv tau nyiaj los, cov khoom muaj nqi (capital assets), cov cuab yeej siv (capital equipment), thiab cov khoom siv mus ntev.

**USDA COV LUS TSIS PUB CAIS TSIS RAWS CAI**

Lub tuam tsev no yog ib qhov chaw muab vaj huam sib luag rau sawv daws.